

古文淵鑒卷第二十九目錄

唐

高祖

修定科律詔

太宗

金鏡

致仕朝叅在見任本品上詔

賜孝義高年粟帛詔

誠厚葬及賜功臣陪塋地詔

褒李大亮書

帝範序

帝範後序

晉宣帝傳贊

晉武帝傳贊

睿宗

褒魏知古手制

勞畢構璽書

明皇帝

發宣撫使勅

求賢良詔

誠勵風俗勅

焚珠玉錦繡勅

勅朝集使

勅朝集使

處分朝集使勅

孝經正義序

肅宗

讞獄詔

代宗

增修學宮詔

大赦詔

德宗

亢旱罪已詔

褒功臣詔

君臣箴

西平王李晟東渭橋紀功碑

贈太尉段秀實紀功碑

武宗

毀佛寺制

古文淵鑒卷第二十九

御選

內閣學士兼禮部侍郎教習庶吉士臣徐乾學等奉

旨編注

唐

唐古國名周成王母弟叔虞封於唐其地爲帝堯夏禹所都之墟漢曰太原郡李唐之先李虎

隴西成紀人與李弼等佐周代魏有功皆爲柱

國號入柱國家周閔帝受魏禪虎已卒乃追錄

其功封唐國公以其子昞襲封昞卒子淵襲封

起兵克長安隋恭帝進封唐王遂受隋禪國號

日唐凡二十帝至昭宣帝

天祐四年合二百九十年

高祖諱淵字叔德史稱高祖之

興因時特起在位九年

漢高入關除秦苛
法唐祖受禪修隋
律令一代創興以
刑法為重務其規
模可概觀矣

修定科律詔

舊唐書高祖起太原除隋大業以來苛政約法二十條及受禪

詔納言劉文靜與朝士因開皇律令而損益之又制五十三條務在寬簡後又敕僕射裴寂蕭瑀等撰定律令亦惟正五十三條格入於新例餘無所改武德七年下詔

古不云乎萬邦之君有典有則故九疇之叙興於夏

世兩觀之法大備隆周

雉門兩觀即象魏也正月布法之地

所以禁暴

懲奸弘風闡化安民立政莫此為先自戰國紛擾恃

詐任力苛制煩刑於茲競起秦并天下隳滅禮教恣

行酷烈害虐蒸民宇內騷然遂以顛覆漢氏撥亂思

易前軌雖復務從約法蠲削嚴刑尚行菹醢之誅猶

瓊山止濬曰自
魏李悝作法經
六篇蕭何加以
三篇為九章後
世作律者本以
為宗劉劭衍漢
律為魏賈充參
魏律為晉唐長
孫無忌等聚漢
魏晉三家擇可
行者定為十三
篇自名例至斷
獄此唐刑書之
制度也

設錙銖之禁。安民之化。實有未弘。刑措之風。以茲莫
致。爰及魏晉。流弊相沿。寬猛乖方。綱常失序。下凌上
替。政散民彫。皆由法令湮訛。條章混謬。自斯以後。寓
內分崩。戎馬交馳。未遑典制。有隋之世。雖云釐革。然
而損益不定。疎密無準。鮮式章程。罕能甄備。加以微
方曲致。覽者惑其淺深。異例同條。氓庶失其輕重。遂
使奸吏巧詆。任情與奪。愚民妄觸。動陷羅網。屢有釐
革。卒以無成。朕膺期受籙。寧濟區宇。永言至治。興寐
為勞。補千年之墜典。拯百王之餘弊。思所以正本澄

臣熙曰斟酌繁
省矯正差違方
成一代令典高
祖開國之初留
意科律創業貽
謀識先務矣

源式清流末永垂憲則貽範後昆爰命羣才修定科
律但今古異務文質不同喪亂之後事殊曩代應機
適變救弊斯在是以斟酌繁省取舍時宜矯正差違
務從體要迄茲歷稔撰次始畢宜下四方卽令頒用
庶使吏曹簡肅無取懸石之多秦始皇衡石量書日夜有程奏讞
平允靡競錐刀之末子產鑄刑書叔向詒言曰民有爭心錐刀之末將盡爭之勝
殘去殺此焉非遠

太宗

諱世民高祖次子在位二十三年史稱除隋之亂比迹湯武致治之美庶幾成康

金鏡

鋪陳治道以自考鏡故以金鏡名篇

唐之太宗致治幾
於三代之隆今覽
金鏡所載其於處
已行政用人之道
亦何其見之明而
言之詳也此所以
追蹤往古歟

朕以萬機暇日。遊心前史。仰六代之高風。觀百王之
遺跡。興亡之運。可得言焉。每至軒昊之無爲。唐虞之
至治。未嘗不留連讚詠。不能已已。及於夏殷末世。秦
漢暴君。使人慄慄然兢懼。如履朽薄。然人君在上。皆
欲永享萬乘之尊。以垂百王之後。而得失異趣。興滅
不常者。何也。蓋短於自見。不聞逆耳之言。故至於滅
亡。終身不悟。豈不懼哉。觀治亂之本源。足爲明鏡之
鑒戒。亂未嘗不任不肖。治未嘗不任忠賢。任忠賢則
享天下之福。用不肖則受天下之禍。臨危之主。各師

其臣若使覺悟。社稷安有危亡之覆。特由不留心於任使。翻屬意於遨遊。豈不哀哉。若以遨遊將爲任使。以任使將爲遨遊。豈不善哉。古人言舜禹不愛於聲。不貪於色。予謂不然。將爲愛也。人云桀紂耽於聲色。予將爲不好也。何以知之。桀紂命不終於天年。樂不終於一世。以此爲不好也。舜禹壽命於終。樂畢於世。予謂之愛也。夫人有強躁寬弱之志。愁樂貪慾之心。思情有聰哲之才。此乃天命其性。有善有不善者也。由是觀之。堯舜禹湯躬行仁義。治致隆平。此稟其善。

子京宋祁曰唐有天下幾三百年可謂盛矣豈非人獸隋亂向蒙德澤繼以太宗之治制度紀綱之法後世有以憑藉扶持而能永其三命歟

性也。幽厲桀紂乃爲炮烙之刑。剝孕婦。剖人心。斮朝涉。脯鬼侯。造酒池糟丘。爲長夜之飲。此其受於天不善之性也。夫立身之道在乎折衷。不在乎偏射。吳起曰。昔有桑氏之君。修德廢武。以滅其國。有扈氏之君。恃衆好勇。以喪社稷。仲尼曰。寬以濟猛。猛以濟寬。仁義之道。猶不得偏。何況於左道乎。何況於不仁乎。爲君之道。處至極之尊。以億兆爲心。以萬邦爲意。理人必以文德。防邊必以武威。孔子曰。夫文之所加者深。則武之所服者大。德之所施者博。則武之所制者廣。

不可以威武安民。不可以文德備塞。大鯨出穴。必廢
遊波之功。鴻鵠沉沉。定無凌空之効。若使各令遂志。
不失其能。古人云。欲構大厦者。先擇匠。然後揀材。爲
國家者。先擇佐。然後定民。大匠構屋。必以大材爲棟
梁。以小材爲榱桷。所有中尺寸之木。無棄。中適此善
治木者也。非獨屋有棟梁。國家亦然。夫德爲宰相。亦
國家之棟梁也。予思三代以來。君好仁。人必從之。在
上留心臺榭。奇巧之人必至。致精遊獵。馳騁之人遠
臻。存意管絃。**鄭衛**多進。降懷粉黛。**燕趙**斯來。塞切直

臣正治曰歷陳
炯戒得失昭然
猶有湯盤武銘
之餘意宜其致
貞觀之治也

之路爲忠者必少開諂諛之道爲佞者必多古人云
君猶器也民猶水也方圓在於器不在於水以是而
言足爲永誠夫玉不琢不成器人不學不知道仲尼
師於郯子文王學於虢叔聖人且猶如此何況於凡
人者乎治主思賢若農夫之望歲哲后求才若旱苗
之思雨亂君疾勝已如仇視不肖如子懷之中心何
日慙忘王莽僞行仁義之道有始無終孫皓權施恩
惠之風有初無末孫皓初立發優詔恤士民開倉廩賑貧乏出宮女放禽獸時稱明主
及得志麤暴驕盈二子猶膠船之泛巨浪毀在不遙
好酒色中外失望

若驚馬之奔千里。困其將至。古人云。升不盛。石小智。不可謀大。巧詐不如拙誠。信非謬矣。有明主。有闇主。高祖攝衣於酈生。比干剖心於辛紂。殷湯則留情於伊尹。龍逢則被誅於夏桀。楚莊暇隙而懷憂。武侯罷朝而含喜。荀子魏武侯謀事而當。羣臣莫能逮。退朝而有喜色。吳起進曰。昔楚莊王謀事而當。羣臣莫逮。退朝而有憂色。申公巫臣進問曰。王朝而有憂色。何也。莊王曰。以不穀之不肖。而羣臣莫吾逮。吾國幾於亡乎。是以憂也。楚莊王以憂而君以闇。主喜。武侯逡巡再拜曰。天使夫子振寡人之過也。闇主護短而尤愚。明主思短而長善。觀高祖殷湯。仰其德。行。譬若陰陽調。四時會。法令均。萬民樂。則麒麟呈其

臣德宜曰張九齡云以鏡自照見形容以人自照見吉凶斯篇申明法戒於治忽源流無不畢照名曰金鏡信矣

祥漢祖殷湯豈非麒麟之類乎。觀夏桀商辛。嗟其悖惡之甚。猶時令不行。寒暄失序。則猛獸肆毒。蝱螟爲害。夏桀商辛。豈非猛獸之儔乎。予以觀之。豈非大道之類也。雖曰天時。抑亦人事。成湯之世。有七年之旱。剪爪爲犧。千里降雨。大戊之時。桑穀生朝。懼而修德。遂使十有六國。重譯而來。此豈非人事者也。或曰爲君難。或曰爲君易。人君處尊高之位。執賞罰之權。用人之才。用人之力。何爲不成。何求不得。此言之實。易論之實難。何者。輕陵天地。衆精顯其妖。忽慢神靈。風